



Uunga:

Inatsisartunut ilaasortaq
Maliina Abelsen
Partii Inuit Ataqtigiit

Nunap aningaasaqarneranut tunngatillugu apeqqtinut akissutit

03. maj 2013
Suliap nr. SJ-STD-KUNUK
Dok. Nr. 1208599

Asasara Maliina

Postboks 1037
3900 Nuuk

Nunatta aningaasaqarneranut tunngatillugu apeqqtinnut sammisamut attuumas-
suteqarluartunut qujanaq.

Tlf. (+299) 34 50 00
Fax (+299) 32 46 14
E-mail: oed@nanoq.gl
www.nanoq.gl

Apeqqut 1:

Aningaasarsiornikkut inissisimanerput pillugu Aningaasaqarnikkut Siunnersuisoqatigiit kiisalu Akileraartarnermut Atugarissaarnermullu Isumalioqatigiissitat ersarissorujussuarnik siulittuuteqarput. Atugarissaarnikkut pisortanit inuiaqatigiinnut neqeroorutigineqartartut ullumikkutut (kisiannili pitsanngoriaateqanngitsumik) ingerlatiinnarneqassappata aammalu utoqqalisartut amerliartornerat eqqarsaatigigaanni, 2040-p tungaanut ukiumut agguaqatigiissillugu 1 milliard koruunit pisortat karsiini amigaatigineqalissasut ilaatigut siulittuutigineqarpoq.

Taamaammatt Aningaasaqarnikkut Siunnersuisoqatigiit kiisalu Akileraartarnermut Atugarissaarnermullu Isumalioqatigiissitat siulittuinerminni naatsorsuisimanerat suliaallu Naalakkersuisut akuersaarsinnaaneraat apeqqtigerusuppara?

Apeqqummut 1-imut akissut:

Aningaasaqarnikkut Siunnersuisoqatigiit aamma Akileraartarnermut Atugarissaarnermullu Isumalioqatigiissitat kisitsisaataat suliaallu Naalakkersuisut iluarisimaarpat. Soorunami ilaatigut innuttaasut amerlassusissaasa siumut nutaamik naatsorsorneqarnerat suliassat annertussusaannut sunniuteqassaaq, tamannalumi aningaasaqarnikkut anguniagassat aaqqissuunneqarnerannut atatilugu eqqarsaatigineqassaaq.

Apeqqut 2:

Maluginiartariaqarpoq Naalakkersuisooqatigiit aningaasarsiornikkut qanoq ineriartortoqassanersoq eqqarsaatigalugu pilersaarummik maannamut saqqummiussisimangimmata. Taamaattumik siunissami atugarissaarnerup akissaqartinneqartuarnissaa qulakkeerniarumallugu Nunatsinni aningaasarsiornikkut qanoq iliuseqartoqarsinnaanera pillugu pilersaarummik Naalakkersuisut aamma saqqummiussilersaarnersut apeqqtiginiarpara? Taamaattoqassappat, taava ukiumoortumik Aningaasaqarnikkut inissisimaneq pillugu nassuiaateqartarnerup saniatigut qaqugu tamanna pilersaarut naatsorsuutigineqarsinnaava?

Apeqqummut 2-mut akissut:

Aallaqqaasiullugu erseqqissarusuppara, siunissami atugarissaarmissatsinnut akissaqarumalluta, aningaasaqarnikkut ingerlatsineq anguniagassanik suliniutinillu imaqartoq,

piffissami ungasinnerusumi aningaasaqarnerup attanneqarsinnaaneraniq qulakkeerinnit-tussaq Naalakkersuisut pingaartilluinnarmassuk.

Paasissutissiissutigissavara, 2014-imut aningaasaanut inatsisissatut Naalakkersuisut si-unnersuusiornissaannut (AIS 2014) atatillugu naalakkersuisooqatigiit suliaqarlutik aallar-tisareermata. Pilersaarutaavoq, AIS 2014 pillugu suliaqarnerup saniatigut 2013-imut Naalakkersuisut Aningaasaqarnikkut ingerlatsineq pillugu Nalunaarusiaat (AIN 2013), Inatsisartut 2013-imi ukiakkut katersuunneranni saqqummiunneqartussaq suliarineqas-sasoq.

Sammissassat ilaat nalunaarusiamut tassunga nalinginnaasumik ilaasartut ilagivaat pif-fissaq ungasinnerusooq isigalugu suliaqarnerup, soorlu illit taakkua apeqqtigigitit. Ilann-gullugu paasissutissiissutigineqassaaq, Naalakkersuisut piffissami aggersumi anin-gaasaqarnikkut anguniagassanik oqaasertalersuiniarmata, kiisalu Akileraartarnermut Atugarissaarnermullu Isumalioqatigiissitat isumaliutissiissutaanni innersuussutigi-neqartut qanoq malitseqartinneqarnissaat pillugit erseqqinnerusumik suliaqarniarmata. Naalakkersuisut pingaartippaat, nunap aningaasaqarnerata patajaattumik aqunneqar-nissaa, taamaammatt pissusissamisoorpoq, aningaasaqarnikkut pilersaarutissap imas-saanut tunngatillugu ataqatigiittoqarnerunissaa nalunaarutineqartinnagu misissiveqqaar-toqarnissaa.

Apeqquut 3

Aviisimut Politiken-imut Naalakkersuisuni siullittaasunngorsimasooq 28. marts 2013 imaattunik oqaaseqarpoq: "Aningaasarsiornikkut isertitarineqarsinnaasut eqqarsaatigalugit arlaqartutigit takorluugaqarpugut, taakkuli maannakkoqqissaaq tusagassiorfinnut suunersut saqqummiussinnaanngilavut sullilivilluta suli maannamut aallartissimannnginnatta". Naalakkersuisut maannakkut aningaasarsiornikkut isertitarineqarsinnaasut suut ilisimaneqalereersimannngitsut naatsorsuutiginerlugit ilisimatitsissutigisinnaanerlugit?

Apeqquut 4:

Aningaasaqarnikkut ingerlatsineq ataqatigiisaagaq pilersissinnaajumallugu Naalakkersuisut isumagininnerup, inisialortitsinerup aammalu utoqqalinersiaqartitsisarnerup iluini nutarterissamaarlutik pilersaaruteqarnerlutik? Taamaattoqarpas paaserusunnaarpoq sutigit qanorlu nutarterisoqarniarnersooq?

Apeqquut 5:

Inoqutigiit qanoq aningaasarsiaqartiginerat apeqqutaatikkunnaarsillugu Naalakkersuisooqatigiit partiivisa neriorsuutigereerpaat kikkut tamarmik assigiimmik utoqqalinersianik pissarsisalissasut. Taamaalluni utoqqalinersiaqartitsisalernissami aappariit imminnut tapersersooqatigiittariaqarnerannik pisussaaffeqartitaanerat atorunnaarsinniarnearpoq. Naalakkersuisooqatigiit isumaqatigiissutaanni tamanna pillugu imaattunik allassimasooqarpoq: "Utoqqalinersiuteqartarnermi aaqqissuussineq inerisarneqaaqqissaaq kommunit peqatigalugit, aappariinneq apeqqutaatinnagu, kisiannili inuttut naleqassuseq aallaavigalugu." Nunatsinni utoqqaat aammalu siusinaarlutik utoqqalinersiaqalersartut qanoq aningaasarsiaqartigereersimanagerat inoqutigiilluunniit qanoq aningaasarsiaqartigereersimanagerat apeqqutaatikkunnaarlugu tamarmik assigiimmik pisartagaqalersinneqassappata tamanna landskarsimut ukiumut 80 millioner koruuninik aningaasartuutaasalissasooq naatsorsuutigineqarpoq (Tamanna 2009-imi Siumup siunnersuutigimmagu namminneq taamak missingersorpaat). Tamannamita Naalakkersuisut qanoq aningaasarsiaqartinniarnearpaat, ullumikkuinnaanngitsooq kisiannili aamma ukiut 5-it, 10-it aammalu 20-it qaangiuppata?

Aningaasat taakku suminggaanniit matussuserniarneqarpat?

Apeqqutinut 3-5-inut akissutit:

Apeqqutinnut 3-5-inut tunngatillugu qulaani apeqqummut 2-mut akissutigaa innersuus-sutigerusuppara.

Naggasiullugu ilannguterusuppara, nunatta aningaasaqarneranut tunngatillugu apeqqutaajumaartussat akissuteqartinniarnissaat anguniarniarakku, neriutigaaralu sammisaq pillugu pitsaasumik angusaqarfiusumillu suleqatigiittarumaarluta.

Inussiarnersumik inuulluaqqusillunga


Vittus Qujaukitsoq

Aningaasaqarnermut Nunamullu Namminermt Naalackersuisoq